

Uunga siunnersuut: Uumasunik illersuineq pillugu Inatsisartut inatsisaata allanngortinneqarnera pillugu Inatsisartut inatsisaat nr. xx xx xxx 2019-imeersoq
 (Naalakkersuisunut oqartussaasutut pisinnaatitaanermik nuussineq aamma uumasunik kinguaassiuutitigut atoqateqarnermut inerteqqussut)

§ 1

Uumasunik illersuineq pillugu Inatsisartut inatsisaanni nr. 25, 18. december 2003-imeersumi ukua allanngortinneqarput:

1. Kapitali 1-im i kapitalip qulequataa imatut oqaasertalerneqarpoq:
”Uumasunik illersuineq pillugu aalajangersakkat nalinginnaasut”

2. Kapitali 2-mut qulequtaritinneqartoq peerpoq.
Kapitalit 3-10 matuma kingorna kapitali 2-9-nngorput.

3. § 1 imatut oqaasertalerneqarpoq:
“§ 1. Uumasut illersorneqarsinnaasumik pineqartassapput anniartinneqarnissaannut, naalliusinnejarnissaannut, ersiortinneqarnissaannut, kingunipiloqartitsisumik ajoqtissarsinissaannut annertuumillu ajoqtissarsinissaannut pitsaanerpaamik illersorneqassapput.”

4. § 3-p kingorna ilanngunneqarpoq:
”§ 3 a. Uumasunik kinguaassiuutitigut atoqatiginnineq imaluunniit kinguaassiuutinut tunngasunik iliuuseqarneq inerteqqutaavoq, taamaattorli imm. 2 takuuk.

Imm. 2. Uumasut katsorsarneranni nakorsaatitortitsineq imaluunniit uumasunut teknikkimik pissuteqartumik suliarineqartut, iliuuserineqartut inerteqqummut ilaanggillat, matumani kinguaassiotitsineq, amerliartortitsineq uumasunik misileraaneq imaluunniit allanik akuerisaasumik tunngaveqartut ilanngullugit.”

5. § 22 imatut oqaasertalerneqarpoq:
“§ 22. Inatsisip matuma taannalu naapertorlugu najoqqtassaliunneqartut eququutsinnejarnissaat Naalakkersuisut nakkutigissavaat.

Imm. 2. Uumasut nakorsaat imaluunniit qimmeqarnermut nakkutilliisoq uumasup illersorneqarsinnaanngitsumik pineqarneranik paasisaqartoq piaartumik uumasuuteqarnermut oqartussaasunut nalunaaruteqassaaq. Taamaattorli inassuteqaat erngerluni iluarsineqarpat tamanna atuutinngilaq.

Imm. 3. Uumasut nakorsataa imaluunniit qimmeqarnermut nakkutilliisup uumasoq ajoqusersimasoq napparsimasorluunniit takusaruniuk uumasoq ajorunnaarsinnejqarsinnaanngippat, uumasullu uumatiinnarnissaa pisariaqanngitsumik anniarnermik kinguneqassappat, uumasuuteqartoq akisussaasoq inassavaa uumasoq

toqutseqqullugu. Uumasoq toqunneqanngippat uumasut nakorsaata imaluunniit qimmeqarnermut nakkutilliisup uumasuuteqarnermut oqartussanut pisoq 24 tiimit iluanni nalunaarutigissavaa.

Imm. 4. Uumasuuteqartup akisussaasup imm. 3 malillugu inassuteqaat malikkumanngippagu § 23-milu periuseq malinneqarpat uumasumut pisariaqanngitsumik anniарermik kinguneqassappat uumasut nakorsaata imaluunniit qimmeqarnermut nakkutilliisup uumasoq ergiinnaartumik toqussinnaavaat. Uumasoq toqunneqarpat uumasuuteqarnermut oqartussanut ulluinnaat tallimat iluanni nalunaarutigineqassaaq.”

6. § 23 imatut oqaasertalerneqarpoq:

“**§ 23.** Uumasoq illersorneqarsinnaanngitsumik pineqarpat uumasuuteqarnermut oqartussaniit uumasuuteqartoq akisussaasoq iliuuseqaqqullugu peqquneqarsinnaavoq.

Imm. 2. Imm. 1 imaluunniit 4 malillugu peqqussut malinneqanngippat uumasuuteqarnermut oqartussat uumasup paarineqarnera isumagisinnaavaat, tassungalu ilanggullugu uumasoq allamut inississinnaallugu.

Imm. 3. Uumasup tunineqarnissaa imaluunniit toqunneqarnissaa pissutsit tamatumunnga pissutissaqartitsippata uumasuuteqarnermut oqartussat ergiinnaartumik kingusinnerusukkulluunniit aalajangersinnaavaat, tassunga ilanggullugit uumasup qanoq issusaa, uumasoq piginnittuminit siunissami paarineqaqqissinnaanersoq, imaluunniit uumasup allamut nuunnerani aningaasartuutit.

Imm. 4. Uumasoq napparsimappat peqqissarneqarsinnaanngitsumilluunniit ajoqusersimappat uumasup uumatiinnarneqarnissaa pisariaqanngitsumik naalliunneranik kinguneqassappat toqunneqarnissaa uumasuuteqarnermut oqartussat peqqusissutigisinnaavaat.

Imm. 5. Uumasoq § 6, nr. 4 naapertorlugu aalajangersakkanut akerliusumik uumasuutigineqartup pisariaqarpat toqunneqarnissaa uumasuuteqarnermut oqartussaat peqqussutigisinnaavaat.

Imm. 6. Peqqussut allaganngorlugu nalunaarutigineqassaaq. Uumasumut akisussaasusoq oqaaseqarnissaminut periarfissaqartitaassaaq. Oqaaseqaat uumasuuteqarnermut akisussaasut qaammatisiutit malillugit ullut 14-it iluanni tigussavaat.

Imm. 7. Uumasup pisariaqanngitsumik naalliunnissaa pinngitsoortinniarlugu imaluunniit akisussaasoq naapinnejqarsinnaanngippat imm. 6 sanioqqunneqarsinnaavoq. Imm. 6 malillugu allakkatigut nalunaarut tamatuma kingorna periarfissaq siulleq atorlugu ingerlanneqassaaq.”

7. § 24 imatut oqaasertalerneqarpoq:

“**§ 24.** § 23, imm. 4-mi periaatsip malinneqarnera uumasup pisariaqanngitsumik naalliunnissaanik kinguneqassappat uumasuuteqarnermut oqartussat uumasoq ingerlaannaq toqussinnaavaat.

Imm. 2. Uumasuuteqarnermut oqartussat toqtsisinnaanngikkunik allap toqtsinissaanik oqartussaasut piginnaatitsisinnapput.”

8. § 25 imatut oqaasertalerneqarpoq:

“ **§ 25.** Uumasup pisariaqanngitsumik naallunnissamut illorsorneqarnissaa siunertaralugu toqutsineq piginnittumut taarsiinertaqanngitsumik piginnittullu akiligassaanik pissaaq.

Imm. 2. Uumasumik allamut nuussineq kiisalu § 23, imm. 3 malillugu tunisineq piginnittumut taarsiinertaqanngitsumik pissaaq. Uumasup nuunneqarneranut atatillugu aningaasartuutit piginnittumut akiligassanngussanersut nalileereernikkut uumasuuteqarnermut oqartussat aalajangersinnaavaat.

Imm. 3. § 23, imm. 1-5 malillugit peqqussuteqarfingineqarsimasup aalajangiinerup pineqartumut nalunaarutigineqarnerata kingorna qaammatisiutit malillugit ullut 14-it iluanni eqqartuussivinnut suliassangortissinnaavaa. Eqqartuussivinnut suliassangortitsineq kinguartitsissutaasinnaanngilaq, kisiannili § 23 imm. 5 tassani pineqanngilaq.”

9. § 26 imatut oqaasertalerneqarpoq:

“ **§ 26.** Uumasuuteqarnermut oqartussat, pisariaqartutut nalilerneqarpat, kinaassutsimut uppernarsaat takutillugu eqqartuussiviillu aalajangiisinnagit inatsimmi aalajangersakkat taannalu malillugu malittarisassiat eqqortinneqarnissaat qulakteerniarlugu uumasuutinut qaqugukkulluunniit ornigussinnaavoq.”

10. § 27 imatut oqaasertalerneqarpoq:

“ **§ 27.** § 1, § 3, § 3a, imm. 1, §§ 4, 5 aamma 7, § 8, imm. 1, § 9, § 11, imm. 1, § 13, imm. 1, §§ 14, 15, 17, 18 aamma 20, aamma § 22. imm. 2 aamma. 3-mik unioqqutitsineq Kalaallit Nunaanni Pinerluttulerineq pillugu Inatsimmi malittarisassat malillugit akiliisitsinikkut pineqaatissiinernik kinguneqarsinnaavoq.

Imm. 2. §§ 6, 10, aamma 12, § 13, imm. 2, §§ 16, 19, aamma 21-mi malittarisassianik unioqqutitsineq Kalaallit Nunaanni Pinerluttulerineq pillugu Inatsimmi malitarisassat malillugit akiliisitsinikkut pineqaatissiinernik aalajangersaasoqarsinnaavoq.

Imm. 3. Inatsit imaluunniit malittarisassiat taanna malillugu aalajangersarneqartut akiliisitsinissamik piginnaatitsippata, inatsisit malillugit inuttut isigineqartoq Kalaallit Nunaanni Pinerluttulerinerineq pillugu Inatsimmi malittarisassat malillugit akiliisineqarsinnaavoq.

Imm. 4. § 1, § 3, § 3 a, imm. 1, §§ 4, 5 aamma 7, § 8, imm. 1, § 9, § 11, imm. 1, § 13, imm. 1, §§ 14, 15, 17, 18 aamma 20, aamma § 22. imm. 2 aamma imm. 3-mik sakkortuumik uteqqiattumilluunniit unioqqutitsineq Kalaallit Nunaanni Pinerluttulerineq pillugu Inatsimmi malittarisassat malillugit sunilluunniit atajuartumik piffissamiluunniit killilimmi sivikinnerpaamik ukiumi ataatsimi uumasuuteqaqqaqusaannginnermik pineqaatissiinermik kinguneqarsinnaavoq kiisalu Kalaallit Nunaanni Pinerluttulerineq pillugu Inatsimmi malittarisassat malillugit pineqaatissiisoqarsinnaalluni.

Imm. 5. Akiliisitsinerit imm. 1-4 naapertorlugit aalajangerneqartut Nunatta Karsianut tutsinneqartassapput.”

11. Inatsimmi tamani danskisuuan "Landsstyret" imatut "Naalakkersuisut" aamma "Landsstyrets" imatut "Naalakkersuisuts" allanngortinneqarput.

§ 2.

Inatsisartut inatsisaat ulloq 1. juli 2019 atuutilersinneqarpoq.

Namminersorlutik Oqartussat, ulloq xx.xx. 2019

Kim Kielsen